



Confederación Intersindical Galega
ENSINO

INFORMA

www.cig-ensino.gal

Setembro 2016

A CIG-Ensino anuncia un curso “conflitivo” e “problemático” contra a imposición das reválidas na ESO e no Bacharelato

O secretario nacional, Anxo Louzao, denuncia a imposición dun proceso “segregador e selectivo” que é “letal” para o alumnado

“Centraremos todas as nosas forzas en conseguir que non se realicen as reválidas de bacharelato e ESO”. Con esta contundencia se manifestaba esta mañá, en rolda de prensa, o secretario nacional da CIG-Ensino, Anxo Louzao, que non dubidou en cualificar de “letais” para o alumnado esta probas selectivas e “segregadoras”. Probas para as que a CIG-Ensino chamará á insubmisión, toda vez que este ano serán só orientativas e prescindíbeis para conseguir a titulación.

Louzao explicou que o inicio do curso escolar vén marcado pola imposición da LOMCE, coas súas reválidas na ESO e Bacharelato. Unha cuestión que xa avanzou “seguirá sendo motivo de conflito até que consigamos a súa paralización e derogación”.

Denunciou ademais que estas probas se regularon, aproveitando o verán, por un goberno en funcións e sen que se coñeza, até o 30 de novembro, en que consistirán. Diante deste despropósito, asegurou que a CIG-Ensino loitará “até a extenuación” para que non



se leven adiante, porque, aseguro, “poñen en cuestión o dereito á educación ao vetar a unha parte da sociedade, a máis desfavorecida, ás clases populares impedindo que poidan acadar os obxectivos. Non podemos permitir”.

Xunto a isto o secretario nacional da CIG-Ensino denunciou que, ao tempo que se impón esa lei segregadora, elitista e centralista, o PP persiste na destrución do ensino público, onde suprime 84 unidades e 13 escolas, mentres acrecenta e beneficia o ensino concertado, coa creación de 58 novas unidades. Unha situación que, lembrou, se repite curso tras curso e que ten

provocado que nos últimos 5 anos se suprimiran 411 unidades e 59 escolas no ensino público cando, nese mesmo período, se crearon 243 unidades no ensino privado concertado.

A ese respecto denunciou que “o ensino privado recibe en concertos, cada ano, máis de 245 millóns de euros” e que hai uns días recibiu un novo agasallo de 280 mil euros para os centros de educación especial.

Falta de profesorado

O secretario nacional da CIG-Ensino advertiu ademais que continúa o recorte do profesorado en moitos centros nos que os actuais

cadros docentes son xa totalmente insuficientes para atender a diversidade. Asegurou que isto mingua a calidade do ensino, con aulas masificadas e con máis de 200 unidades que superan as ratios máximas establecidas; denunciou que se acrecentaron os agrupamentos de alumnado de diferentes idades, desatendéronse as necesidades educativas específicas e falta profesorado de PT, AL e Orientadores, que van compartir centros.

A isto engadiu que “malia os centros necesitar máis profesorado, o interino queda sen traballo ou pasa a ser substituto”. Unha situación que o levou a denunciar a “temporalidade, provisionalidade e inestabilidade” que padece este profesorado, abocado a unha situación de precariedade cada vez maior.

Explicou que no mes de agosto se lle adxudicou destino a 2.436 mestres (o 18% do total do profesorado do corpo de mestres), dos que 1.122 son interinos, 452 itinerantes e 326 imparten afíns; que o 62% das prazas de orientación son itinerantes.

Con respecto ao profesorado de secundaria, sinalou que “até o día

9 de setembro, a 5 días do inicio de curso en secundaria, non se lle adxudicará destino e que na adxudicación provisional déuselle destino a 4.112 dos que 806 son interinos; 1.725 substitutos e que 1.138 impartirán afíns.

Diante deste panorama denunciou que se converte o profesorado nun profesional ambulante e que esta situación impide levar a cabo programas e proxectos educativos, o que non axuda, en absoluto, a mellorar a calidade do ensino.

Persecución ao noso idioma

Anxo Louzao denunciou tamén que segue acrecentándose a persecución e marxinación do noso idioma mesmo incumprindo a Consellaría a súa propia norma, que “xa é lesiva para o galego”.

Sobre esta cuestión salientou que “neste curso na ESO o ensino en galego pasa a ter unha hora menos” ao incrementarse unha hora de Matemáticas –materia sobre a que pesa a prohibición de que se imparta en galego- e réstase unha hora a Ciencias Naturais. Isto xunto o feito de que hoxe o ensino en galego é anecdótico nas escolas infantís das cidades ou que na FP

non hai material curricular no noso idioma dá como resultado que “hoxe a maioría do alumnado nin sequera recibe o 15% das aulas en galego”.

E para agravar a situación dáselles raquícticas axudas aos equípos de normalización dos centros e as escasas axudas non se fixeron públicas até estarmos a 20 días do remate do curso anterior.

Con todo isto, Louzao concluíu que isto se traduce nun comezo de curso no que se “afonda na privatización e no que o PP continúa atacando o ensino público, no que falta profesorado e se masifican as aulas, hai menos equidade, precarízase máis o profesorado e mingua a calidade”.

Fronte a isto, demandou un cambio de rumbo para que se garanta un financiamento suficiente para o ensino público, que cifrou no 7% do PIB; a derogación da LOMCE; o desenvolvemento dunha Lei Galega de Educación inserida na nosa realidade nacional; a defensa e aposta pola galeguización do ensino e a restitución de todos os dereitos laborais e salariais do profesorado.

Os nosos locais

Santiago (Local Nacional)

Rúa Miguel Ferro Caaveiro nº 10.
Santiago de Compostela. cp.15706.
Tlf. 981576800 Fax. 981575839
santiago@cig-ensino.gal

A Coruña

Rúa Alfonso Molina s/n
Tlf. 981169810 Fax. 981291735
15007. A Coruña
acorunha@cig-ensino.gal

Baixo Miño

Praza da Guía 3, baixo
36780. A Guarda
Tlf. 986610465 Fax. 986610465
baixominho@cig-ensino.gal

Morrazo

Rúa Atranco 19A, ench. 1
36947. Cangas
Tlf. 986302987 Fax. 986302987
morrazo@cig-ensino.gal

Ferrol

Rúa Eduardo Pondal 41-43,
15403. Ferrol
Tlf. 981358750 Fax. 981358760
ferrol@cig-ensino.gal

Lugo

Rda da Muralla 58, bxo.
27003. Lugo
Tlf. 982245023 Fax. 982253891
e-mail: lugo@cig-ensino.gal

Ourense

P. de San Lázaro 12, 4º
32003. Ourense
Tlf. 988238350 Fax. 988222855
ourense@cig-ensino.gal

Pontevedra

R. Pasantería 1, 2ºesq.
36002. Pontevedra
Tlf. 986861513 Fax. 986855050
pontevedra@cig-ensino.gal

A Mariña

27700. Ribadeo
Avda de Galicia 20, 1º
Tlf. 982129593 Fax. 982129593
amarinha@cig-ensino.gal

Val de Monterrei

R. Pedro González 5, 1º
32600. Verín
Tlf. 988412345 Fax. 988411013
verin@cig-ensino.gal

Vigo

R. Gregório Espino 47, bxo.
36205. Vigo
Tlf. 986827935 Fax. 986262844
vigo@cig-ensino.gal

Salnés

R. Alexandre Bóveda 2, 2º
36600. Vilagarcía
Tlf. 986505323 Fax. 986505323
salnes@cig-ensino.gal